

Presidential Communications Operations Office

Presidential News Desk

TALK TO THE PEOPLE OF PRESIDENT RODRIGO ROA DUTERTE (PART I)

[15 November 2021]

PRESIDENT RODRIGO ROA DUTERTE: *[Technical, ready?]* Magandang araw, gabi, tanghali kung hindi ko kasi malaman kung kailan recorded 'to, kung kailan i-play sa mga buong mga istasyon sa gobyerno. So I greet you at the time kung nasaan kayo abutin nitong programa na ito.

But let me just read to you 'yung mga tao na nandito ngayon, mga trabahante ng gobyerno kasama ko. Just the same, we are talking about COVID and the bakuna. Ang corollary mga ano --- mga ano 'to is 'yung maskara pati 'yung not the --- 'yung face shield then the mask. Ang ating gustong tanggalin, lalo na sa karamihan, is that we find the wearing of the mask cumbersome. So maybe it limits the range of sight of people working, where the eyes is --- plays an important ingredient in their work so maraming nagrereklamo.

Ang decision ko is okay tanggalin na ninyo 'yung mask --- ah 'yung shield. Puwede na ninyong... You dispense with the shield but not the mask. Iyong mask will forever remain and it will be a part of our day-to-day part of what? The safety measure kasi matagal pa itong virus na nasa hangin lang.

So ang nandito ngayon unahin ko na 'yung mga tao, si 'yung mag-report: Secretary Rolando Joselito Bautista, DSWD; nandito rin si Secretary Francisco Duque III; then we have Secretary Carlito Galvez; and Secretary Eduardo Año.

Iyong sa via video teleconference, si Dr. Rolando Enrique, FDA updates; si Secretary Karlo Nograles --- by the way, Karlo, si Roque --- Secretary Roque nag-file ng certificate niya kanina ata. He will be running for senator. Alam mo once you file your certificate of candidacy, automatic 'yan out ka sa gobyerno. No other formal ritual is needed except that when you file, tapos ka. At that moment, you cease to be a government employee. So kung maaari ikaw na lang sana ang acting na muna until we find a replacement. I

do not want to burden you with so much --- alam ko `yung paperwork dadaan sa'yo eh.

We cannot expect everybody to agree with us to make it short. Nandito rin attendees si --- of course si ES and si Senator Bong Go, chairperson ng... Kailangan ko si Bong actually hindi sa lahat --- because Bong is the Chairperson sa Senate Committee on Health and Demography. Health kanya eh so mabuti na lang siya nandito. But he does not control anybody, he does not control me, he is here to do his duty na may matanungan tayo kaagad. So iyon.

At ako may binigyan ako trabaho. I cannot --- I am not ano --- I am not articulate sa Tagalog, hindi rin maintindihan ng lahat kung mag-Bisaya ako so basahin ko na lang ang report.

I could glance, mag-glance-glance ako, I can talk extemporaneous dito pero ang problema nga hampered ako sa facility ng communication, especially Tagalog. Marunong ako pero kaunti lang, conversational.

So I start by saying good evening to all and parang nakita ko na maganda ang dadating na mga araw. Sana maawa ang Diyos patuloy-tuloy ito at mabuksan natin ang ekonomiya and all the businesses will be opened so that people can really work again and improve the economic picture of the country.

Last Tuesday, November 10, I inaugurated the new PSG Station Hospital. It houses modern medical facilities and equipment including multiplace hyperbaric oxygen treatment that can treat multiple patients at the same time.

Para maintindihan lang ninyo itong hyperbaric, to my understanding, this is a high pressure chamber. Parang ito `yung mga kagaya nito `yung mga divers na nagkakaroon ng ano ito `yung mabilis `yung akyat nila. Hindi `yung... There's one word for it. Bends, yeah. Kasi alam mo mag-akyat... Alam ng mga fishermen `yan na kung sa loob ka hindi ka mag-akyat na kung malalim na mauna talaga `yung... Iyong ano mo is magsunod ka sa bubbles mo, hindi mo overtake-an kasi --- dahan-dahan kasi pag-ano biglain mo, pag-abot sa taas, para kang --- and you can die.

Itong hyperbaric also is iyon ang isang purpose no'n. Ang hyperbaric also ito `yung mga may sugat na healing, mas madali ang healing ng mga sugat, lalo na sa sundalo, kung nasa hyperbaric chamber.

Kasi 'yung iba matagal makuha sa --- kung may barilan, may encounter, tapos madala sa ospital, kukunin --- hindi kaagad makuha lalo na kung ang barilan would last --- the fighting in the field would last for about mga one or two, tapos ang sugat ng mga sundalo hindi kaagad ma --- kasi i-extract pa sila. I-extract sila tapos dalhin sa ospital.

Hyperbaric operates sa high pressure, kasi kung mag-gangrene na, karamihan putulin na eh pagka may gangrene. Ito 'pag mayroon ka niyan, ipasok mo doon, makatulong na mabilis maka-recover and it can arrest the progress of the gangrene.

Am I right, Dr. Domingo, sir? Tama ba ako?

FDA DIRECTOR GENERAL ROLANDO ENRIQUE DOMINGO: Yes, sir.

PRESIDENT DUTERTE: Baka salita ako dito...

DIRECTOR GENERAL DOMINGO: Yes, sir, opo. Mayroon pong mga studies showing na 'yun pong wound healing, lalo na po 'yung mga bukas na sugat since they are exposed to higher levels of oxygen, mas mabilis pong gumagaling doon sa hyperbaric. So it's usually used po for mga traumatic injuries katulad nga po ng mga sa sundalo natin.

PRESIDENT DUTERTE: Oo, 'yan. Iyan ang ano. There's also a hyperbaric somewhere outside dito sa ano, but tingnan ninyo ang... Nako. Ayaw ko --- ayaw ko na may mainggit pero ang itong ospital --- Station Hospital ng Presidential Security Group, tingnan ninyo, may clip. *[Run the clip.]*

[plays video clip]

PRESIDENT DUTERTE: Magandang hospital talaga, as in maganda.

Dito na tayo sa ang pag-usapan, sabi ko, vaccination. I think we will spend more time here dwelling on the --- well, number of jabs and... On November 11, we achieved a record high of almost 1.24 million jabs administered in a single day, 1.24 na injection isang araw. This is a new milestone in our national vaccination campaign.

In just three days from November 10 to 12, we administered more than 3 million doses. As of today, we would have already hit more than 70 million

jabs. This really shows that our vaccination effort is accelerating but we must push this even more and reach our goal faster.

The National Capital Region has already inoculated 100 percent of its target population with at least one dose as of November 9. Napakaganda ng larawan natin ngayon sa awa ng Diyos. As we continue to reopen more establishments and allow more mobility to help our economic recovery, we still need to be cautious.

I saw a recent report whereby a two-year-old --- a two-year-old child was tested positive for COVID-19 after visiting a mall. Alam ko kayong mga magulang gustong-gusto ninyong ipasyal ang mga anak ninyo after staying for so long inside your home due to lockdowns. Pero isipin ninyo kung maliliit pa ang mga anak ninyo at hindi pa bakunado, do not expose them to the virus or virus.

Wala pa silang dispe --- depensa. They have no defense mechanism in their system or body sa COVID-19. Hindi katulad ng mga bakunado na. On this note, I am calling all local government units to consider passing ordinances for age restriction among minors who can be allowed to go to the malls.

Certainly, we cannot allow those below 12 years old or those getting or still unvaccinated to be exposed to the risk of getting COVID-19 in public places. Again, sabi dito, IATF 'to, Task Force, we cannot allow those below --- below 12 years old. So tandaan ho ninyo 'yan.

Again, to the parents and guardians of minors who are unvaccinated, please be mindful of the risk. Part of caring for them is thinking about their safety. I hope no one among our children will get COVID-19.

Sa ano naman, ekonomiya natin, Bloomberg reported recently that the Philippines' gross domestic product or GDP grew by more than seven percent in the third quarter of 2021. Napakaganda naman ng biyaya ng Diyos ito. The growth was due to strong household consumption during this pandemic and our economic --- and our economy can soon return to its pre-pandemic performance. This is truly a good and welcome news because it affirms that our strategies are correct in balancing health and economy.

Reminders, even if we are able to control the virus and grow our economy, much remain to be done. The virus is still here and continues to be a threat to our people and nation. Kaya ipagpatuloy po natin ang mask, hugas, iwas, bakuna pa rin ta --- pa rin ang importante sa proteksiyon.

I hope that everybody would take this advice para malayo sa disgrasya. Ah `yung ulitin ko para wala ng ano, `yung face shield ano na `yan puwede na ninyong hindi gamitin except dito sa mga lugar na Alert 5. Alert 5 na ano, iyong mga delikado, ospital, mga laboratory, it's still --- it's still a must --- must be used, wear the shields `yung Alert 5.

Alam ninyo mga ospital, lahat, mga establishments, you know what is Alert 5 so hindi ko na tagalan. Ang hindi ko nabasa na ganoon rin, ang --- the long and short of what I'm really talking about is --- kasi binabasa ko eh. Ganoon na lang, pababa na ang --- ang COVID at saka `yung mga positivity rate mababa na rin, ang lahat, lahat bumababa na.

It's up for us really to just take care na hindi tataas uli so that you will have to obey what government would tell you to do because it is for the good of the country and for you. Sumunod lang po kayo. Mababa na ngayon. Kita mo we are allowing everybody to go out except children who cannot be mixed in a crowded places because wala pa silang depensa sa katawan.

Wala pang --- hindi pa naman sila puwedeng mabakunahan. Eh tapos dalhin ninyo doon sa may mag-atsing, mag-ubo, lahat `yan. The --- the virus is still in the air.

So I hope that would really heed the warning of --- hindi ito akin, warning ito ng mga experts, mga doktor. Kami wala kaming pakialam --- wala akong alam diyan. Ang alam ko `yung sinasabi sa akin ni Secretary Duque, ni Dr. Domingo. Ayan, susunod-sunod lang ako diyan kaya wala talaga akong alam.

Pero pagka --- well, what I know is that if we follow there is really a resulting good that would happen. Nakita mo `yung sa mga vaccination natin na sumunod kayo, so mahina ang transmission kasi wala na, puro may

depensa na `yung katawan. So nagkaroon tayo ng improvement, and even the economy nag-improve despite of the pandemic. So `yan ang tandaan ho ninyo.

[Excuse me.] The first to make a report... Alam mo, ganito uli, this program is geared towards informa --- information. Information lang ito for the people to know saan ang pera ninyo. Huwag kayong maniwala diyan sa corruption-corruption. Iyang --- `yung mga tao sa labas na hindi nagbayad ng buwis, eh wala na tayong pakialam diyan.

Ang atin is we ask for a little of --- courtesy lang naman ang hiningi ko diyan eh. For Congress, eh alam ninyo may trabaho si Duque, alam niyo may trabaho si Galvez, `pag tinawag ninyo, advise them and set a definite time for them to be grilled if at all by your committee. Bigyan mo naman ng respeto na sa umaga and stick to it because they go there. Tapos pagdating doon buong araw nakaupo lang doon. Eh alam mo may dumadating na bakuna diyan, tatakbo na naman si Secretary Duque doon sa airport --- Secretary Galvez has to be there just even to thank the donors or the countries who have really helped us by providing the bakuna in sufficient number.

Medyo okay na tayo sa supply. We're good pero hindi pa --- hindi pa sapat talaga na... Pero mayroon na tayo. And if I can have the cooperation of all Filipinos, medyo gaganda talaga ang takbo ng ating bayan. And hopefully by Christmas, there will be a --- at least we target the --- the minimal kung mayroon man sa spread ng virus dito sa ating bayan.

Iyon ho ang ating pag-usapan ngayon. Pera ng bayan, Rol --- Secretary Rolando Bautista will --- DSWD, iyan ang trabaho niya.

DSWD SECRETARY ROLANDO BAUTISTA: Pangulong Mayor Rodrigo Roa Duterte; Executive Secretary Bingbong Medialdea; Senator Bong Go; mga kapwa ko kasamahan sa Gabinete, magandang gabi po sa inyong lahat.

Salamat po sa pagkakataong maiulat ang mga naging tagumpay ng mga pangunahing programa ng DSWD mula noong 2016 hanggang ngayon. Ang lahat ng ito ay bunga ng ating pagsisikap na magampanan ang mandatong protektahan at iangat ang antas ng kabuhayan ng mamamayang Pilipino alinsunod sa sama-samang ambisyon nating makamit ang matatag, maginhawa, at panatag na buhay.

Simula ng ilatag ng Pangulo ang Zero to 10-Point Socio Economic Agenda, nakikita po natin na may dalawang area kung saan malaki ang ambag ng DSWD sa pagpapayabong ng social protection programs upang protektahan ang mga mahihirap laban sa mga instability at economic shocks at pagsuporta sa mga programang pangkapayapaan at kaayusan.

Kaya naman ang DSWD ay nagsulong at nagpaigting ng mga proyekto at programang susuporta sa mga inisyatibo ng ating Pangulo. Unang-una na rito ang Pantawid Pamilyang Pilipino Program o mas kilala bilang 4Ps. Sa ilalim ng pamumuno ng ating Pangulo, naisabatas ang 4Ps na kinikilalang pangunahing poverty reduction strategy ng bansa. Bukod sa pagiging human capital investment ito at ang "Magna Carta of the Poor".

Tumaas ang pondo ng programa mula sa P62 bilyong pondo noong 2016 sa mahigit na P106 bilyong piso ngayon taon. Sa direktiba ng Pangulong Duterte, nabigyan nang dagdag na rice subsidy at grants ang mahigit na 4 na milyong household beneficiary ng 4Ps para maitawid ang kanilang pang-araw-araw na pangangailangang pagkain, edukasyon, at kalusugan.

Sa SONA ng Pangulo noong taong 2016, ang bawat benepisyaryo ng 4Ps ay hinihikayat na maging independent at self-reliant para makatayo sa kanilang sariling mga paa. Dahil dito, mahigit na 32,000 benepisyaryo ng 4Ps ang nakapagtapos ng high school at kolehiyo nang may mataas na karangalan at pagkilala. Naging daan ang mga pagtatagumpay nilang ito para maiangat ang antas ng kanilang pamumuhay tungo sa pagtatapos ng kanilang pagiging benepisyaryo.

Sa kasalukuyan, mahigit na 838,000 households ang maituturing na self-sufficient at mahigit na 51,000 na mga benepisyaryo ang tinaguriang graduate na sa programa. Ito ay katibayan na ang mga benepisyaryo ng 4Ps ay nakatayo na sa kanilang sariling mga paa bitbit ang mga kaalaman mula sa Family Development Sessions.

Bahagi din ng inisyatibo ng Kagawaran ang pagbibigay at pagsuporta sa kabuhayan ng ating mga kababayan. Sa ilalim ng Sustainable Livelihood Program o SLP, mahigit na isang milyon household beneficiaries ang matagumpay na nakapagsimula ng negosyo na may kabuuang mahigit na 18 bilyong piso.

Bilang suporta sa pag-graduate sa programang 4Ps, ang SLP ay nakapagbigay ng tulong pangkabuhayan sa higit na isang milyong pamilya na katumbas ng mahigit na 12 bilyong piso.

Samantala, sa loob naman ng limang taon ay naabot at natulungan ng mahigit na 31,000 community subprojects ng KALAHI-CIDSS ang mahigit 9 na milyong households na pamamagitan ng community-driven development approach katumbas ng mahigit na 34 na bilyong piso.

Nakapagmobilisa rin ng halos 2 milyon community volunteers na lumahok sa implementasyon ng mga community subprojects.

Sa ilalim ng pamunuan ng ating Pangulo, lumawak ang pagpapatupad ng Social Pension Program for Indigent Senior Citizens.

[Next slide, please.]

Mula sa mahigit na 930,000 benepisyaryong natulungan noong 2015, katumbas ng mahigit na 5 bilyong piso ngayong 2021, nasa mahigit 3 milyong benepisyaryo edad 60 pataas na ang taunang nakakatanggap ng kanilang social pension na nagkakahalaga ng P500 kada buwan na may kabuuang halaga na mahigit 18 bilyong piso.

Malaking pagbabago po ito kumpara noong taong 2015 na ang benepisyaryo na may edad 65 pataas ang nakikinabang, at noong taong 2011 hanggang 2014 ay edad 70 pataas ang nakikinabang.

Samantala, simula 2016 hanggang 2021 mahigit sa 9,000 centenarians ang ating nabigyan ng P100,000 cash gifts.

Karagdagang nutrisyon naman ang hatid ng Supplementary Feeding Program sa halos 2 milyong bata mula sa mahigit na 1,000 LGUs sa buong bansa katumbas ng halos 2 bilyong piso.

Kaugnay naman po ng milk feeding, may mahigit na 52,000 bata na ang nabigyan ng karagdagang suplementasyon. Ang mga positibong pagpapahusay na ito sa kanilang timbang ay nakaapekto hindi lamang sa kanilang katayuan sa nutrisyon kung hindi pati na rin sa kanilang pangkalahatang kalusugan na nag-aambag sa kanilang pisikal, cognitive, at socio emotional na pag-unlad na tumutulong sa kanila na makamit ang isang mas magandang pagkakataon sa kanilang paglaki at pag-unlad.

Sa ilalim naman ng Assistance to Individuals in Crisis Situation (AICS), mahigit 7 milyong indibidwal na ang nabigyan ng tulong pang-edukasyon, transportasyon, medical, at iba pa mula 2016 hanggang 2021, katumbas ng mahigit 30 bilyong piso.

Samantala, aabot na po sa mahigit 148 Malasakit Centers ang naitatag kung saan mahigit na 96,000 na benepisyaryo ang mga natulungan ng DSWD sa halagang halos 270 milyong piso.

Sa loob ng 2016 hanggang 2021, mas pinaganda at naisaayos din ang 71 centers at residential care facilities sa buong Pilipinas na kumakalinga sa mahigit 80,000 mga bata, kababaihan, nakakatanda na nangangailangan ng pag-aaruga; 760 na Social Welfare and Development Agencies o SWDAs ang nagparehistro at nabigyan ng [unclear]. So maaari silang mag-operate at magpatupad ng mga programa at serbisyo sa kapakanang panlipunan at pagpapaunlad. Samantala, mahigit na 1,000 SWDAs naman ang na-accredit. Tinitiyak ng proseso ng akreditasyon ang kalidad ng mga programa at serbisyong ibinibigay ng SWDAs.

Sa loob ng limang taon, nakapagbigay tayo ng relief assistance sa 7 milyong internally displaced families na may kabuuang halos 9 na bilyong piso. Ang mga interdiksyon ito ay nakatulong sa pagbuo ng disaster resilient community upang mabawasan ang mga epekto ng kalamidad at tulungan ang mga LGU at mga pamilya tungo sa maagang pagbangon, partikular sa mga nasalanta sa pagputok ng Bulkang Taal noong Enero taong 2020. Mahigit na 122,000 pamilya ang natulungan na katumbas ng mahigit na 24 na milyong piso.

Nakapagbigay rin po ng karagdagang mahigit na 4 na milyong family food packs sa ating mga LGUs sa panahon ng pandemya na nagkakahalaga na mahigit na 2 bilyong piso. Sa kasalukuyan, mayroon po tayong 477 milyong piso na standby funds at halos 400,000 stockpile ng family food packs.

Nagpatupad din ang DSWD ng mga programang nakakapag-ambag sa pagsasakatuparan ng peace agenda ng pamahalaan. Naging tulay ang Executive No. 70 sa pagbibigay ng assistance at suporta sa mga former rebels (FRs). Binigyang-pansin ang reintegration ng FRs at pinagtuunan ng pansin ang community resiliency.

Umabot na sa mahigit na 10,000 FRs at ang kanilang mga pamilya ang natulungan mula 2019 hanggang 2021 na katumbas ng mahigit na 84 na milyong piso mula sa regular na pondo ng Kagawaran.

Samantala, 165 SLP associations na nasa conflict-affected and vulnerable areas ang nakatanggap din ng livelihood assistance mula sa Kagawaran na nagkakahalagang mahigit na 47 milyong piso. Mahigit 267,000 households din ang nakatanggap ng iba't ibang tulong mula sa mga regular na programa ng DSWD tulad ng AICS at pagbibigay ng food at non-food items.

Sa programa ng National Commission on Indigenous Peoples (NCIP), mahigit 257,000 na IPs ang kinilala o nabigyan ng sertipikasyon ng humigi't kumulang na [993,345] hektaryang ancestral domains simula 2016.

Alinsunod pa rin sa EO No. 70, inilunsad din ng NCIP ang 12 regional implementation plans bilang suporta sa 12 Lines of Effort Framework para sa pagkilala ng mga karapatan ng IPs. Dahil dito, 80 IPs ang ating nasagip at natulungan mula sa syndicated groups; 305 IPs naman ang ating na-rescue mula sa human trafficking incident noong Hunyo.

Para sa rehabilitasyon ng Marawi, binigay ang mga Transitory Family Support Packages (TFSP) para sa mahigit na 21,000 pamilya, katumbas ng mahigit 2 bilyong piso.

Ang Yakap Bayan Program naman na tinutukan ang rehabilitasyon at reintegrasyon ng mga persons who used drugs ay pormal nang kinilala bilang isang community-based aftercare and reintegration model sa pamamagitan ng Dangerous Drugs Board Resolution No. 18. Umabot na sa 151 lokal na pamahalaan ang nakiisa at sumusuporta sa layuning tulongang makabango --- makapagbagong buhay at makabangong muli ang mga naging biktima ng droga.

Upang mapagaan ang socioeconomic shock na dulot ng COVID-19 pandemic sa ilalim nang pagpapatupad ng magkasunod na batas na Bayanihan To Heal As One Act at Bayanihan To Recover As One Act, inilunsad ang pinakamalaking social protection program sa kasaysayan ng bansa sa pamamagitan ng Social Amelioration Program o mas kilala sa tawag na SAP.

Nasa mahigit 23 milyong mga nangangailangan ay binigyan ng emergency subsidy na may halagang 195 bilyong piso; 83,500 sa nabanggit na bilang ng mga benepisyaryo ay nabigyan din ng livelihood assistance grants.

Batay sa pagsasaliksik ng Philippine Institute for Development Studies (PIDS), tinataya na madadagdagan ng 4 na milyong Pilipino na mahirap dahil sa paghina ng ekonomiya noong 2020.

[inaudible]

... at 70 isolation facilities na nak --- na nagkakahalaga ng 714 milyong piso ang naipatayo para sa mahigit 500,000 households sa mga mahihirap na komunidad.

Nagkaroon rin ng information, education and communication activities kung saan nagkaroon ng pagbibigay ng communication devices katumbas ng 191 milyong piso at pagsasagawa ng cash-for-work activities na nagkakahalaga ng mahigit 225 milyong piso. Lahat ng ito ay resulta ng pag-shift sa disaster response operation modality sa panahon ng pandemya.

Dito po nagtatapos ang aking presentasyon. Magandang gabi pong muli sa ating lahat.

PRESIDENT DUTERTE: Salamat, Secretary Bautista. Next, we would like to hear from Secretary Duque.

DOH SECRETARY FRANCISCO DUQUE III: Magandang gabi po, Mr. President, Senator Bong Go, ES Medialdea at mga kasama ko po sa Gabinete. Muli ay ako po'y magbabahagi ng maikling ulat ukol po sa ating COVID-19 response.

[First slide.]

Para naman po sa ating usual updates ngayon pong November 15 ay mayroon po tayong nadagdag na 1,547 na bagong kaso at patuloy na bumababa ang atin pong mga kaso. Pangkalahatan nasa 2.818 million na po tayo at ang active cases po natin ay bumaba na rin po sa 27,025 cases at katumbas po nito ay .96 percent of all cases. At sa recoveries po naman natin ay mayroon na po tayong 2.745 milyon, ang katumbas po nito ay 97.42 percent ng lahat ng mga kaso ay gumaling na po.

Samantalang ang atin pong mga pumanaw ay umabot na po pangkalahatan 45,709 for a case fatality rate po na nasa 1.62 percent. At nakakalungkot po at mayroon na naman po tayong naidagdag na 128 na mga bilang ng pumanaw. At ang atin pong mga pangunahing rehiyon na nakapag-ambag nang mataas na bilang sa atin pong bagong mga kaso, nangunguna ang NCR, nasa 317; ang Region II, nasa 156; ang Region IV-A naman, nasa 155.

Samantala ang mga pangunahing lugar na nakapag-ambag ng mga kaso sa pangkalahatang bilang: ang Quezon City, nasa 91; ang Negros Oriental, nasa 61; at ang Negros Occidental, nasa 59.

So ang atin pong susunod na slide... *[Next slide, please.]*

Para naman po... *[Medyo maliit po yata masyado ito. Parang hindi makita.]* Anyway, nakikita naman 'yung Philippines doon, nasa dark green-

shaded area, bandang baba. At ito na po 'yung ating pinakahuling WHO rankings. Ang Pilipinas ay sa kasalukuyang nasa 59th sa buong mundo at ika-lima sa ASEAN para sa bilang ng mga active cases.

Ayan makikita po natin ang active cases po ay nasa 28,102. Mababa tayo sa Lao People's Democratic Republic, nasa 47,000; Malaysia, nasa 65,000, pataas na naman po ang Malaysia; ang Thailand, nasa 94,165; Viet Nam, nasa 140,129. So 'di hamak na mas malaki po ang baba ng atin pong active cases.

At ang patungkol naman po sa cases per 1 million population, ang Pilipinas po ay nasa 135. Mas mababa, mas maganda ang ibig sabihin po nito ang tugon sa atin pong pandemyang COVID-19.

At ang Pilipinas po sa kasalukuyan nasa 25,247 per 1 million population. Mababa po tayo sa Thailand, na nasa 28,000+; Brunei Darussalam, nasa 32,000; Singapore, nasa 40,113; Malaysia, nasa 77,317. 'Di hamak na mas mataas ang kanila pong mga kaso per million population.

Uulitin ko, ito pong ipinapakita nito ay ibig sabihin lang mas malaking ganda ng atin pong tugon or response laban po sa COVID-19 pandemic. At para naman po sa ikatlong panukatan, ito po 'yung COVID deaths per million population. Nasa 121st po tayo sa buong mundo. Mas mababa, mas maganda.

Mas mababa po tayo sa Indonesia at Malaysia. Tayo po ay nasa 409 deaths per million samantalang ang Indonesia nasa 518; at ang Malaysia ay lagpas doble ang kanila pong deaths per million na nasa 901.

At ang panghuling panukatan naman natin, ito po 'yung tinatawag na case fatality rate. Sa buong mundo, pang-100 po tayo. Samantalang sa ASEAN, tayo po ay nasa panlima. At mas mababa po ang ating case fatality kumpara sa Viet Nam na 2.28 percent; ang Cambodia, 2.39 percent; ang Indonesia nasa 3+ percent po sila --- 3.38; Myanmar, nasa 3.70 percent; tayo po, uulitin ko, nasa 1.6 percent.

Ang ibig sabihin na naman po nito ay ang atin pong pangangalaga, pagkalinga, at pagsalba ng mga buhay, iyong mga pasyente pong nagkaroon ng severe to critical COVID cases ay ito po nasalba ng atin pong mga mahuhusay na mga doktor, mga nurses, atin pong mga bumubuo ng mga healthcare teams. At ang laki po ng kanilang husay, kagalingan, at sakripisyo para po masalba ang buhay ng atin pong mga kababayan.

[Next slide.]

Dito naman po ang ating walang kaduda-dudang ebidensiya na bumabagsak na po ang mga kaso. Makikita po natin dito, ang average daily reported cases bumaba by 13 percent. Before that, 48 percent; prior to that, 14 percent.

Mula noong October 19 to October 25 week, tuloy-tuloy na po ang pagbaba ano ho at ang makikita po natin 'yung pinakamataas po natin doon sa bandang kanan na bar graphs ay from September 6 to 12, umaabot po sa 20,946, ito po 'yung weekly average daily cases 'no at iyan po 'yung ating epidemic curve. At sana po ito ay makapagpatuloy para maibaba pa natin ang Alert Level 2 sa Alert Level 1 kung matustusan natin itong ganitong trend, Mr. President. So...

[Next slide.]

Ganoon din po, nagpapakita ebidensiya nang pagbagsak ng mga kaso. Iyon pong blue epidemic curve ay ang NCR; iyong pula, iyan po 'yung rest of Luzon; samantalang iyong berde naman po ay ang Plus Areas of Bulacan, Cavite, Rizal, Laguna; samantalang iyon pong kulay orange ay ang Mindanao na mga kaso at ang Visayas iyon pong aqua blue. At lahat po nakikita natin pababa po lahat ang ating mga kaso at bawat major island group ay nakapagtala ng less than 1,000 cases per day on the average.

So maganda po ang nakikita natin ngayon at sana po ito ay magpatuloy. At kaya naman lahat po ay inaasahan pa rin na hindi po tayo puwedeng magluwag sa atin pong pagsunod sa minimum public health standards and other social measures kasi po kahit na bumababa ang ating healthcare utilization rate, bumababa po ang ating average daily attack rate per 100,000, at ang atin pong two-week growth rate ay hindi po nangangahulugan na magluluwag po tayo. Dahil kung hindi, matutulad po tayo sa United Kingdom, Germany, France, Italy, Spain na kung saan po ay rumaragasa muli ang COVID-19, Mr. President. It's all up again, Mr. President.

PRESIDENT DUTERTE: Yes, may I interrupt you?

SEC. DUQUE: Yes, sir, Mr. President.

PRESIDENT DUTERTE: I-ano ko lang. Sa Europe pati sa... Iyan kasali na ang number one na ano iyong United Kingdom and I think the rest of

Europe, ang mga tao doon hindi na nag-mask. Tinanggal nila iyong mask kasi akala nila safe na.

Eh sinasabi naman ng mga doktor, mga scientists na ang COVID ay nasa hangin pa. Eh hindi pa nawala. Eh apurado kasi itong mga tao na ito, kagaya ng mga puti, tinanggal na 'yung requirement ng mask. So hindi na mandatory, kanya-kanyang laro na.

Ngayon ang sinasabi ngayon, itong sinasabi ni Secretary Duque na nagkaroon na ng --- well, another wave of infection sa population. Tumataas na naman ang ano nila.

Can you continue?

SEC. DUQUE: Salamat po, Mr. President. Kaya huwag po tayong tutulad doon po sa mga bansang nabanggit po namin ni Mr. President na ang Europa na kung saan siya po ngayon ang epicenter ng global pandemic ay dahil po sila ay naging pabaya sa kanila pong dati nang ginagawang minimum public health standards.

Nagkaroon nga sila ng tinatawag na Freedom Day na kung saan nagtanggap ng mask at nawala ang social distancing o kaya din naman nakita natin ay nagtaasan muli. Sumipa muli ang kanilang mga kaso at mahalaga ang leksiyon na dapat po nating matutunan sa kanilang karanasan.

Kaya hindi po puwedeng bakuna lang po ang ating sagot sa pandemyang ito, Mr. President. Kailangan magkasama po iyong bakuna, we have to increase our vaccination coverage, sustain the trajectory, couple that with a very disciplined compliance to minimum public health standards.

So iyon pong ating pag-mask, ang atin pong social distancing, paggamit ng alcohol o sanitizers, iyon pong ginagawa ninyo gabi-gabi, araw-araw sir na nagpupunas kayo. Maganda pong halimbawa 'yan, Mr. President. *[President Duterte shows his alcohol]* Iyan po. Yes, sir. Napakamahalaga po 'yan, Mr. President.

PRESIDENT DUTERTE: Iniinom ko na nga eh. *[laughter]*

SEC. DUQUE: Baka may lumabas diyan, sir. So iyan po at ang atin pong mga cough etiquette, iyan pong mga praktikal na mga bagay na hindi naman po mahal.

Kung iisipin po natin, Mr. President, napaka-practical and it doesn't cost much. Actually, it's so affordable, and yet iyong kanya pong halaga sa pagprotekta ng ating kalusugan laban sa pandemyang ito ay napakamataas po. Kanya iyon pong ating mga health protocols huwag po nating kakalimutan. Napakamahalaga po ito.

[Next slide.]

Ito naman po, makikita natin ang national and the NCR nasa low risk --- ulitin ko po, nasa low risk classification na po. Pero ang CAR, ang Cordillera Administrative Region ay nananatili at moderate risk case classification pero kampante po tayo na malapit na rin po siyang maging low risk.

Ang buong Pilipinas po ay ang kanyang two-week growth rate nasa negative 55 percent, samantalang ang kanyang average daily attack rate ay nasa 1.86 percent, nasa low risk pareho. Kaya doon sa risk classification, halos lahat 14 ay nasa low risk. Iyong tatlo sa baba ay mas mababa pa sa low risk, nasa minimal risk na lang po. At 'yun na nga, 'yung moderate na risk ng CAR, palagay ko ay hindi magtatagal magiging low risk na rin po 'yan.

So ibig pong sabihin nito ay talagang gumaganda ang ating COVID-19 situation at sana po matustusan natin ito at patuloy upang maibaba pa natin ang alert levels natin from 2 to 1, at mas malaking bahagi ng atin pong ekonomiya ang puwede po natin mabuksan.

At next slide po naman ang ating healthcare utilization rate, Mr. President, ganoon din po except for CAR and Region II na medyo may kataasan. As of November 3, 60 percent ang kanyang ICU utilization rate at ang Region II nasa 64 percent, pareho pong nasa moderate risk classification. And the rest are all low risk, Mr. President 'no.

So maganda rin po ang ipinapakita nito bilang panukatan ng ating COVID-19 situation at kung gaano kaepektibo ba ang atin pong tugon sa pandemyang ito. Ito po ang ebidensiya, nakikita po natin lahat.

So maganda po ang ipinapakita nito at --- *[next slide]* --- ito naman, dumako naman po tayo sa epidemic curve ng atin pong deaths. At makikita natin dito, pababa din po ang naitatalang COVID-19 deaths sa atin pong bansa. Ngayong November, nakapagtala tayo ng 377 deaths or on the

average mga 25 na mga pumanaw kada araw. At malayong-malayo po ito noong ating September. Noong September po tayo, 'yan ang atin pong pinakamataas. Umabot tayo ng 6,174 deaths in the month of September or 206 deaths per day ano po. So ngayon ay bumababa na po tayo.

Next slide ang atin pong vaccination status. Ang total administered doses po natin nasa 69,713,994 ang first dose. Ito po 'yung 41.7 million dapat po 'yan nasa 38 million lang po 'yan, naisama po kasi rito 'yung first dose ng Janssen. Eh ito pong Janssen iba po ito kumpara doon sa mga ibang bakuna na dalawang beses po dapat iturok, 'yung first and second dose, two dose of the primary series samantalang ang Janssen isa lang po. So naisama po ito rito. Dapat po nandoon lang po 'yan doon sa 31,570,463 doses --- completed dose, fully vaccinated individuals po 'yan 'no.

So dito po makikita natin na ang ating total vaccination sites ay umabot sa 8, 439 sa buong Pilipinas at ang atin po namang --- ang 40.93 percent ito po ang vaccination coverage natin para doon po sa mga nakatanggap ng kumpletong bakuna.

Sa first dose naman natin nasa 54.08 percent. So ang atin pong --- ang target population 77,139,058 individuals. So 'yan po ang detalye nito ay ibibigay po ni Secretary Charlie Galvez.

[Next slide.]

So habang patuloy naman po na ang dating ng atin pong mga bakuna ay panawagan po natin ay patuloy din na ang mga taong hindi pa nababakunahan magpabakuna na po kayo kung ang pagkakataon ay nandidiyan na. At ito po ay mananatiling susi sa atin muling pagbangon mula sa pandemya at maibangon ang dating sigla ng ating ekonomiya at mahalaga po na bakuna at saka minimum public health standards.

At ang huling bahagi naman po ng aking ulat, Mr. President, ay patungkol sa healthcare worker benefits. Maiksi lang po ito. *[Next slide. Next slide po. Iyan.]* As of 12 p.m. ngayong araw, nasa 16.11 billion na ang kabuuang pondo na naipamahagi po natin sa atin pong mga healthcare workers para sa kanilang benepisyong mula sa Bayanihan 1 and 2.

At mula sa nasabing halaga, 924.98 million na ang naibigay sa 79. --- ah 79,662 eligible healthcare workers na kabilang sa Batch 3 and 4 para sa kanilang SRA – special risk allowance. Samantala, 635.81 million naman ang naipamahagi sa 27,066 na aplikante para sa sickness and death compensation claims. Asahang patuloy na ipapamahagi ng inyo pong DOH

ang atin pong --- ang natitirang pondong nakalaan para sa SRA batches 3 and 4.

In summary, Mr. President --- *[next slide]* --- iyan po nakikita po natin patuloy na pagbaba ng ating mga kaso sa buong bansa at maganda itong indikasyon at atin mahigpit na pagsunod sa minimum public health standards nitong mga natitirang linggo ng 2021 ang magdidikta kung magpapatuloy ang pagbaba ng ating mga kaso o mapapanatili natin ang kasalukuyang lebel nito.

At nananawagan tayo sa publiko na patuloy na sumunod sa MPHS at iwasan ang mga 3Cs activities. Ano po 'yung 3Cs? Ulitin po natin, ito po 'yung closed spaces, crowded areas, and close-contact settings. At pangalawa, maliban po sa MPHS pinakamabisang proteksiyon ang bakuna. At sa nalalapit na National Vaccination Day, nananawagan kami sa lahat na hindi pa nababakunahan na nasa edad 12 pataas, 12 years and above, na samantalain ang pagkakataong itong magpabakuna.

Ang atin pong pagpapatupad ng PDITR and vaccination strategy kasama ang pagsunod sa minimum public health standards, mapapanatili nang mabilis na active case-finding. Ako po'y nananawagan sa mga local government units --- nandiyan po si Chairman Abalos, na kung saan naging matagumpay ang kanila pong mga ginawa katulad ng active case-finding, ang contact tracing and efficient immediate isolation na ginagabayan po sila ng Department of Interior and Local Government. At 'yung pagbibigay --- pag-allot ng COVID-19 beds, ito po lahat ay susi sa matagumpay na COVID-19 response pagtatapos --- sa pagtatapos ng 2021.

Ito rin ang pinakamagandang ating maireregalo, Mr. President, sa atin pong mga healthcare workers na walang sawang tumugon sa mga pangangailangan pangkalusugan ng sambayanang Pilipino sa panahon ng pandemya.

Maraming salamat po, Mr. President.

PRESIDENT DUTERTE: Ah salamat, Secretary Duque. Dito muna tayo kay -- ibigay ko muna itong time na ito kay Secretary Delfin Lorenzana. May sasabihin lang siya.

DND SECRETARY DELFIN LORENZANA: Magandang gabi, Mr. President; colleagues. Mr. President, bago ko banggitin 'yung sasabihin ko para tungkol doon sa statement ni General Parlade, puwede po bang magbigay ako ng ulat nung aking --- aking trip sa Spain at saka Poland? Sandali lang po. Sandali lang.

Mr. President, ang una ko pong pinuntahan noong mga --- noong nakaraang linggo ay ang Espanya. At doon ay nakipagpulong ako sa Defense Minister, ako'y nag-attend nung Defense Exhibit kasama ng ibang mga --- mga opisyaes ng Armed Forces. Dinala ko rin 'yung CASA, ito 'yung aircraft company na gumagawa ng ating tatlong eroplano, 'yung C-295 na karagdagan sa ating fleet.

Nagkaroon din po kami --- nagkaroon din ako ng wreath laying o nag-alay ako ng bulaklak sa marker ni Jose Rizal sa Madrid. Nakipagpulong din po ako sa mga Filipino-American community kasama na 'yung ambassador.

Mayroon pong mga hinaing 'yung mga Filipino-Americans --- ah Filipino-Spaniards doon --- Filipino --- Spanish-Filipinos, ang isa pong hinaing nila ay hindi po sila OFW kung hindi mga dual citizens na 'yung matagal na quarantine dito 'pag dumating sila. Gusto nilang umuwi kaya lang hindi sila makauwi dahil nga doon sa quarantine.

Ang sabi ko naman maghintay lang sila ng ibang mga --- ilang buwan pa, isang buwan o dalawa at luluwag na 'yung ating quarantine.

Ang isa pang ano may nagsabi rin po, Mr. President, na kung puwede iyon daw online sabong ay limitahan lang 'yung panahon dahil marami pong nalululong na mga overseas na mga Filipinos sa online sabong.

Doon naman po sa Poland ay nakipagpulong din ako sa Secretary of Defense, at of course, nakipagpulong din ako sa ating ambassador doon. Dinalaw ko rin 'yung aircraft aviation company na gumagawa ng ating Black Hawk helicopters. Doon po galing 'yung ating naunang batch ng Black Hawk. Gagawa pa sila ng 32 --- iyong 32 nating inorder sa kanila din po.

Nakipag-meeting din po ako sa mga Filipino-American --- Filipino-Polish 'yung mga Pilipino sa Poland na kaunti lang po, mga dalawang libo lang sila doon pero nakapag-meeting din kami ng siguro mga 25. Iyon po, iyon po ang aking --- ang aking bisita sa Poland at saka sa Espanya.

Ngayon, doon po naman sa statement ni General Parlade. Ako po ay nagulat din kung bakit nadawit 'yung pangalan ko doon. Ang sabi ko pagkatapos po nang mapanood --- mapakinggan ko 'yung kanyang interview ay tinawagan ko siya kung bakit sinasali niya ako sa kanyang political ambition.

Nagpalabas na po ako ng press release, ito po 'yung press release ko tungkol doon at kung kuwan po payagan niyo po ako, basahin ko po, Mr. President. Basahin ko po ito.

PRESIDENT DUTERTE: Go ahead.

SEC. LORENZANA: Statement of the Secretary of National Defense on General Parlade.

General Parlade's statement is baseless. In the years, I have known the President, he has always been his own man. The President stands by his own decisions, has always been firm in his directives to us, who are working for him, and is not as easily swayed or influenced by others as purported by the general.

As then Special Assistant to the President and now Senator, Bong Go has assisted the DND in ensuring the doubling of the salaries of the uniformed personnel as directed by the President. He has --- he has also been consistent in strongly supporting DND in all its programs and modernization efforts.

In all these endeavors, Senator Bong Go's support to the DND and AFP has not abated. He has always been our main bridge to the President and I have not known any instance when Senator Bong Go acted outside the wishes and decisions of the President.

In addition, the Armed Forces of the Philippines remains a professional organization that continues to work in the interest of the Filipino people, regardless of the prevailing political landscape.

There is no truth to the allegations that there is a brewing turmoil or discontent in the Armed Forces.

Iyan po ang press release ko ngayon, Mr. President.

PRESIDENT DUTERTE: Thank you. Iyon na ba?

SEC. LORENZANA: Iyon na, sir, iyon na, sir.

PRESIDENT DUTERTE: Salamat. Next... Magta-time out muna tayo, Del.

SEC. LORENZANA: Yes, sir.

PRESIDENT DUTERTE: Kasi magkain, nagutom na ako wala....

--- END ---